



Na osnovu člana 10. Zakona o nacionalnim savetima nacionalnih manjina ("Sl. glasnik RS", br. 72/2009, 20/2014 - odluka US, 55/2014 i 47/2018) i člana 14. Statuta Bošnjačkog nacionalnog vijeća u Republici Srbiji broj 54-12/2018 od 08.12.2018. godine, Bošnjačko nacionalno vijeće na 10. sjednici održanoj dana 05.11.2021. godine, donosi

**ODLUKU**  
**O USVAJANJU IZVJEŠTAJA O RADU FONDACIJE "MEMORIJALNI CENTAR HADŽET"**

**Član 1.**

Usvaja se Izvještaj o radu Fondacije "Memorijalni centar Hadžet" broj 944-18/2021 od 28.10.2021. godine za period od januara do oktobra 2021. godine u obliku kakav je dat u materijalu.

Izvještaj o radu Fondacije "Memorijalni centar Hadžet" broj 944-18/2021 od 28.10.2021. godine je sastavni dio ove odluke.

**Član 2.**

Odluka stupa na snagu danom donošenja.

Odluku objaviti na zvaničnoj internet stranici Bošnjačkog nacionalnog vijeća.

U Novom Pazaru, dana 05.11.2021. godine  
Broj: 957-09/2021



Predsjednica  
Dr. Jasmina Curić

Broj 944-18

Datum 28. 10. 2021. god.

НОВИ ПАЗАР NOVI PAZAR



---

FONDACIJA  
„MEMORIJALNI CENTAR HADŽET“  
Izvještaj o radu

Novi Pazar, 2021.



# FONDACIJA „MEMORIJALNI CENTAR HADŽET“

Izveštaj o radu  
januar – oktobar 2021. godine

## I - O Ustanovi

Fondacija „Memorijalni centar Hadžet“ je neprofitna i nestranačka organizacija koja samostalno i sa drugim organizacijama provodi društvene inicijative i kulturne programe. Fondacija je osnovana radi dobročinog ostvarivanja opštekorisnih ciljeva.

Organi Fondacije su Upravni odbor i upravitelj.

Fondacijom Memorijalni centar Hadžet upravlja Upravni odbor, koji ima pet članova. Predsjednik Upravnog odbora Fondacije je prof. dr. Fahrudin Mavrić. Upravnik Fondacije je Amila Ćosović.

U radu sjednice učestvuju predsjednik, zamjenik predsjednika i članovi Upravnog odbora, a po potrebi mogu učestvovati i upravitelj Fondacije „Memorijalni centar Hadžet“, predsjednik Izvršnog odbora Bošnjačkog nacionalnog Vijeća, sekretar Vijeća, članovi Izvršnog odbora Vijeća kao i naučni, javni, kulturni i stručni saradnici bez prava odlučivanja.

U skladu sa aktuelnom situacijom povodom pandemije Covid 19 čije mjere bezbjednosti su još uvijek na snazi realizacija projekata je morala biti svedena na minimum i prilagoditi se postojećim pravilima.

Vodeći se ciljevima Fondacije kao što su:

- ostvarivanje i promovisanje ljudskih i manjinskih prava;
- promovisanje demokratskih vrijednosti, evropskih integracija i međunarodnog razumijevanja;
- unapređenje kulture pamćenja kod Bošnjaka;
- ostvarivanje i unapređenje tranzicione pravde u Srbiji i regionu Balkana;
- promocija i unapređenje međunacionalne tolerancije i razumjevanja;
- očuvanje mira i lokalne i regionalne stabilnosti;
- utvrđivanje i promocija istine o stradanjima Bošnjaka u prošlosti;
- istraživanje činjenica o stradanju Bošnjaka u prošlosti;
- dostizanje međunacionalnog pomirenja u Srbiji i zemljama u regionu Balkana;
- borba protiv nekažnjivosti, govora mržnje i diskriminacije;



## II – Projekti Fondacije „Memorijalni centar Hadžet“

Fondacija Memorijalni centar Hadžet je u 2021. godini radila na izradi tri velika projekta, kojim je konkurisala kod Ministarstva kulture i informisanja, Ministarstva pravde i kod Lokalne samouprave.

- Fondacija je radila na pripremi projekta pod nazivom „Život i djelo Ćamila Sijarića – tamo gdje se teško živi lijepo se govori“.  
Ovim projektom je Fondacija konkurisala na Konkurs Ministarstva kulture i informisanja u okviru koga bi se organizovao okrugli sto na kojem bi učešće uzeli književnici i historičari koji se bave životom i djelom Ćamila Sijarića i promocija knjige “Na margini: Likovi u romanima Ćamila Sijarića” autorice prof. dr. Dijane Hadžizukić.

Saradnici na projektu i učesnici okruglog stola su: Muhedin Fijuljanin, Naučni istraživački centar, doc. dr. Adnan Bjelak, Državni univerzitet u Novom Pazaru, prof. dr. Irma Marić, Fakultet humanističkih nauka iz Bosne i Hercegovine, prof. dr. Sead Šemsović, Državni univerzitet u Novom Pazaru, Dino Lotinac, profesor jezika, prof. dr. Redžep Škrijelj, Državni univerzitet u Novom Pazaru, Dr. Jasmin Hodžić, Institut za jezik iz Bosne i Hercegovine, prof. dr. Dijana Hadžizukić, Fakultet humanističkih nauka iz Bosne i Hercegovine, doc. dr. Nadija Rebronja, Državni univerzitet u Novom Pazaru i Ersan Muhović, profesor jezika.

Ćamil Sijarić spada u red najznačajnijih bošnjačkih pisaca, te je svakako značajno da se promoviše njegov lik i djelo. Ćamil je bio istaknuti književnik i novinar bivše Jugoslavije, bio je izuzetan romansijer, ali i lirski pesnik. Narodna književnost je blago našeg naroda, prenosi se sa koljena na koljeno, te svi oni koji učestvuju u obrazovnom procesu trebaju da prenesu značaj književnog stvaralaštva ovog pisca na mlađe generacije.

Cilj promocije knjige “Na margini: Likovi u romanima Ćamila Sijarića” autorice prof. dr. Dijane Hadžizukić je osvijetliti poziciju i ulogu marginalizovanih likova iz dva različita ugla i pokazati da su u Sijarićevim romanima oni bitan deo narativne strukture dela, a podređen i potisnut član društva u specifičnom hronotopu romana.

- Fondacija je radila na izradi projekta organizovanje međunarodne naučne konferencije vezane za obilježavanje godišnjice 25. 26 i 27. oktobra – Dana samoopredjeljenja.  
Tim projektom je Fondacija konkurisala na Konkurs koji je raspisalo Ministarstvo pravde. U toku rada na projektu kontaktirani su i obezbijeđeni historičari i pravници iz Sandžaka, Republike Srbije, Republike Kosovo i Bosne i Hercegovine. Planirano je da se nakon održane međunarodne godišnje konferencije prikupe svi pristigli i predstavljeni radovi i uradi publikacija.
- Fondacija je radila na izradi projekta obezbeđivanja tehničke opreme i logistike koji predstavlja preduslov za realizaciju suštinskog projekta Fondacije “Memorijalni centar Hadžet” – kreiranja baze podataka o kulturnom nasljeđu Bošnjaka u Srbiji. Isti ima za cilj da na jednom mjestu sakupi saznanja, podatke, dokumentuje i sačuva kulturne elemente nematerijalnog i materijalnog nasljeđa koje definišu bošnjačku zajednicu kao takvu, i da ista znanja učine dostupnim svima, od istraživača, naučnika, do same zajednice kojoj je namijenjeno i koja baštini nasljeđe.



Kreiranje baze podataka je trajan posao Fondacije, u tom smislu, projekat osnaživanja tehničkih kapaciteta Fondacije i kasnije održavanje, predstavlja dugoročno rešenje i mehanizam systemske brige o kulturnom nasljeđu.

Istraživačkim radom i saradnjom sa srodnim institucijama Fondacija nastoji da doprinosi boljem poznavanju i potpunijem razumijevanju naše stvarnosti Sandžaka, sigurnosti i unapređenju životnih uslova, očuvanju i afirmaciji prirodnih i kulturno historijskih dobara. S tim ciljem ćemo podsticati lični razvoj, društveno preduzetništvo i naučno istraživački pristup problemima u društvu, unapređenju veza i odnosa sa dijasporom. Posebno će se nastojati da se kroz izradu projekata doprinese bošnjačkoj samospoznaji i spoznaji drugih o Bošnjacima kao autohtonom narodu na ovim prostorima.

### III - Saradnja Fondacije sa Bošnjačkim nacionalnim vijećem

- Fondacija je u saradnji sa Bošnjačkim nacionalnim vijećem u prethodnom periodu radila na realizaciji važnog projekta *11. maja – Dana bošnjačke nacionalne zastave*

Fondacija Memorijalni centar Hadžet je u 2021. godini u saradnji sa Bošnjačkim nacionalnim vijećem radila na izradi realizaciji sljedećih Projekata:

1. 11. maj - Dan bošnjačke nacionalne zastave: aktivnost u okviru obilježavanja koju je realizovala Fondacija: Smotru bošnjačkih narodnih igara SBONI;
2. 28. septembar – Dan Bošnjaka: aktivnost u okviru obilježavanja koju je realizovala Fondacija: snimanje emisije pod nazivom: „28. septembar Dan Bošnjaka“
3. 25-27. oktobra – Dani Samoopredjeljenja: aktivnost u okviru obilježavanja koju je realizovala Fondacija: Tribina: “30 godina samoopredjeljenja građana Sandžaka”

#### **11. maj - Dan bošnjačke nacionalne zastave: aktivnost u okviru obilježavanja koju je realizovala Fondacija: Smotru bošnjačkih narodnih igara SBONI;**

1. Fondacija je bila uključena u realizaciju projekta 11. maj – Dan bošnjačke nacionalne zastave koji se odnosio na Smotru bošnjačkih narodnih igara SBONI: Za realizaciju smotre bošnjačkih narodnih igara SBONI 2021 angažovano je bilo ukupno 7 Kulturno umjetničkih društava i to:

- HKUD „Bunjevačko kolo“ iz Subotice
- KUD „Jedinstvo“ iz Sjenice
- Folklorni ansambl Frula iz Raške
- Ansambl „Lidhja e Prizrenit“ iz Prizrena
- KUD mladih Novi Pazar
- KUD Golija iz Novog Pazara
- KUD Tutin iz Tutina





kao i Hor Stambol koji je učestvovao u defileu kroz gradsko šetalište do Sebilja gdje je bila postavljena bina.

KUD mladih iz Novog Pazara i HKUD „Bunjevačko kolo“ iz Subotice su se predstavili sa dvije koreografije.

Za defile je bio angažovan i Muamer Hajdarpašić koji je predvodio defile sa gočem.

Smotra bošnjačkih narodnih igara je započela pjevanjem dvije sevdalinke koje je otpevala Ajsena Bogučanin uz pratnju gitarom sa Enverom Džanefendićem.

Za sve KUDove su bile urađene table sa nazivom njihovog KUDa i mjestom odakle dolaze.

Bila su obezbijeđena koplja i zastave i za sve KUDove.





**28. septembar – Dan Bošnjaka: aktivnost u okviru obilježavanja koju je realizovala Fondacija: snimanje emisije pod nazivom: „28. septembar Dan Bošnjaka“**



Povodom obilježavanja 28. septembra - Dana Bošnjaka realizaciju dijela projekta preuzela je Fondacija a to je organizovanje i snimanje emisije pod nazivom: „28. septembar Dan Bošnjaka“

Učesnici emisije su bili:

Muhedin Fijuljanin, potpredsjednik Vijeća

Prof.dr. Izet Šabotić, historičar i

Nusreta Brunčević, moderator

U okviru programa emisije bio je emitovan i snimak dr. Jasmine Curić, predsjednice Vijeća u kojem svim građanima čestita 28. septembar Dan Bošnjaka. Emisija je bila emitovana 28. septembra 2021. godine na Regionalnoj televiziji Novi Pazar.

**25-27. oktobra – Dani Samoopredjeljenja: aktivnost u okviru obilježavanja koju je realizovala Fondacija: Tribina: “30 godina samoopredjeljenja građana Sandžaka”**





Povodom 30. godišnjice referenduma građana Sandžaka održanog 1991. godine i obilježavanja Dana samoopredjeljenja, u Bošnjačkom nacionalnom vijeću održana je tribina pod nazivom

### „30 godina samoopredjeljenja građana Sandžaka“

Govornici na tribini su bili:

1. Muhedin Fijuljanin, potpredsjednik Vijeća i moderator
2. prof.dr. Nedžad Spahić
3. Mr. Admir Lisica, historičar



Na početku tribine se obratila dr. Jasmina Curić, predsjednica Bošnjačkog nacionalnog vijeća.

Sinopsis, pozivanje učesnika, priprema tribine, angažovanje kamermana i fotografa, ozvučenje kao priprema sale bila je u kompletnoj organizaciji Fondacije.

Kroz pomenute projekte učešće u realizaciji istih uzeli su eminentni akademici, univerzitetski profesori, nagrađivani književnici, ugledni građani grada Novog Pazara i Sandžaka.

U Novom Pazaru, 28.10.2021. godine  
RB 36/2021



Izveštaj sačinila:  
Amila Čosović